

# ЛЕНИН ТУЙ ВЫЛЭТ

(По ленинскому пути)

ВКП(б)  
Окружкомлэн  
ВКП(б)  
Кудымкарскэй  
Райкомлэн да  
Окрисполкомлэн  
орган

## Пыдына изучайтны ВКП(б) историялись краткэй курс

ВКП(б) историялись краткэй курс л'едзэм, кэда работаннэй ВКП(б) ЦК комиссияэн эрт Сталин личнэй участие коста, представляйтэ аскеттас миян партия олэмын да международнэй коммунистическэй движениён ыджыт событие. ВКП(б) историялэн краткэй курс, кэда являйтчэ Ленин—Сталин великэй партиялэн научнэй историяэн, л'эбтэ партиялись история изучайтан дел о ыджыт теоретическэй высота вылэ.

ВКП(б) история изучайтэм пондас способствуйтны революционнэй бдительность л'эбтэмлэ, коммунист'езлись, комсомолецезлись и бидэс уджалисезлись идейнэй уровень да боеп'собность л'эбтэмлэ, ешэ буражыка топэтаснэй ленинизм знамь гэгэр да Центральнэй Комитет гэгэр, советскэй народлэн вождь и учитель эрт Сталин гэгэр.

Бид коммунист, комсомолец, бид советскэй народ должен пыдына изучитны ВКП(б)-лись история, вооружитчыны революционнэй теорияэн.

Миян партия, кэда созданный Ленинэн да Сталинен, революционнэй теориялэ пыр придавайтлис ыджыт значенё. „Революционнэй теориятэг, — гыжлис Ленин, — оз вермы лоны и революционнэй движениё... Передовэй пессись рольсэ вермас тыртны токо партия, кэда руководитэ передовэй теорияэн“.

„Теория, кызд сия являйтчэ действительно теорияэн, сетэ практиккелэ ориентировкалис вын, перспективались ясность, уджын уверенность, миян победа делоз вера“ (Сталин).

Большевикскэй деятель, кэда вооружитэм научнэй теорияэн, пыр имейтэ ас одзас етэ перспектива, сия кужэ этлаэты миян пессия целькэт ассис бид практическэй шагсэ. Наоборот, политическэй дея-

тель, кэда абу вооружитэм передовэй революционнэй теорияэн, рискуйтэ эштыны перспектива, сорлась ры правильнэй туй гылись, рискуйтэ лоны враждебнэй влияниё жертваэн, сидьны делячество да оппортунизм болотын. Не этпыр не кыкись врагез пророчитисэ большевиккелэ гибель. Но миян партиясэ рабочэй классэ, бидэс улжалисьэс увереннэй нуэти победа дынсян победа дынэ.

Миян партия, большевиккелэн партия, представляйтэ величайшэй непобедимэй вын. Сылэн мощыс да выныс ешэ буражык бидмасэ, кызд партиялэн бидэс членн'ез пондасэ неуклоннэй уджавны ассингэ теоретическэй уровень л'эбтэм вылын, кызд пондасэ овладевайтны марксистско-ленинскэй теорияэн.

Медбэр'я кэда руководящэй удж вылэ выдвинутэйсэ не этик дас тьсячавиль отир, кэда каласись унажыкыс обладайтны ыджыт практическэй опытэн. Но лишь этик практическэй опытыс недостаточнэ, мед лоны полннэ большевикскэй деятельэн. Етасын колэ овладевайтны революционнэй теорияэн, систематическая и упорная уджавны, лэбтыны теоретическэй уровень. Передовэй революционнэй теорияэн овладей айтэм миянлэ отсаласэ чожа адззыны врагезэс, летныны вылисэ бидэс и бидкодь маскаезэс, летны вуджнас да уничтожайтны социалистическэй родиналисэ предателлэсэ да изменниккэсэ. Революционнэй теорияэн овладейтэм обеспечитас миянлэ одзлань, коммунизм дьнэ победнэй движениё.

Встмыла бид большевик, партийнэй и непартийнэй, долженсэ пыдына изучайтны миян партиялись история, овладейтны марксизм-ленинизм теорияэн.

## СССР пасьта

Москва. Обед кэда и удж бэрын „Краснэй пролетарий“ завод цехезын сентябрь 11 лунэ мунисэ читкаез ВКП(б) краткэй курсись введеннё да первэйся глава сьэрти, кэдия губликуйтэм сентябрь 9 лунэ „Правда“ газетын. Заводись рабочэйез проявитисэ огромнэй интерес „Правдаын“ опубликованнэй материалл'езлэ.

Заводын цехезын организуйтчэ краткэй курс изучайтэм.

Сентябрь 11 лунэ Карскэй моревылын „Иосиф Сталин“ ледокол дьнэ локтисэ „Садко“. Шлюпка доставитисэ „Садко“ вылэ 9 мортэс, кэднэйэ босьтисэ Мурманскись, продовольство запас'ез, сия числоын и свежэй капуста, помидорез да картошка. Перегрузка кончитэм бэрын „Садко“ мунисэ Диксон островлань, а „Иосиф Сталин“ курсэ босьтисэ Вилькицкэй проливлань.

## СССР Совнаркомын да ВКП(б) ЦК-ын Л. М. Каганович нима Московскэй метрополитенлэн горьковскэй радиуслэн 2-эдз очередьлисэ строительство кончитэм йылисэ

СССР Совнарком да ВКП(б) ЦК утвердитисэ правительственнэй комиссиялисэ Л. М. Каганович нима Московскэй метрополитенлэн 2-эдз очередь примитэм йылисэ акт да поставовитисэ осьны 1938 год с е н т я б р ь 11 лунсян Л. М. Каганович нима Московскэй метрополитенлэн горьковскэй радиус кузя поездд'езлисэ ветлэм.

СССР Совнарком да ВКП(б) ЦК отметитисэ, што горьковскэй радиуслэн сооруженнёс, кэда 9,6 километра ылына, квать станцияэн тыртэм бура. Строительстволэн фактическэй стоимостыс—509 миллион руб—сметнэй стоимостыс

3,6 процент вылэ йетшажык.

Горьковскэй радиус сооруженнёс кончитэм метрополитенлэн 2-эдз очередьлисэ строительство 14,9 километра кузя кык пэлэса туй, эжмыс станцияэн.

Тоннельнэй сооруженнёс, оборудованнё станцияез архитектурнэй оформленнё качество сьэрти да эксплуатационнэй показателлэс сьэрти 2-эдз очередьлэн линияез представляйтны Московскэй метрополитенлисэ одзланься бурмэтэм. Метрополитенлисэ 2-эдз очередь стритэм керэм техническэя совершеннэй способбээн. Метростройлэн коллектив овладейтисэ да керис механизированнэй тснелестрое-

нелисэ вылын техника.

Сы сьэрти, што метрополитенлисэ 2-эдз сооруженнё коста применитэм удж производстволисэ уна специальнэй техническэй способбэс да етэ механизация, СССР Совнарком да ВКП(б) ЦК признайтисэ необходимэйэн метрополитенлисэ 2-эдз очередь стритэм йылисэ Наркомтяжпромнэй техническэй отчет л'едзэм сийэн, медбы Метростройслэн опытыс вэли использовать Союзись мэдик строительствозез вылын.

СССР Совнарком да ВКП(б) ЦК одобритисэ Метростройслисэ уджсэ да объявитисэ Московскэй метрополитенлэн 2-эдз очередь стритисэ коллективлэ благодарность.

## Срок кежэ тыртны нянь поставка

Кудымкарскэй районисэ Велвинскэй сельсоветисэ колхозз'ез няньпоставка государственнэй план тыртисэ 90 процент вылэ, государстволэ нянь сетисэ 600 центнер. Сервинскэй сельсоветисэ колхозз'ез государстволэ нянь сетисэ 1120 центнер — няньпоставка план тыртисэ 88 процент вылэ. Етэ сельсоветисэ Первэй май нима колхоз 100 процент вылэ тыртисэ няньпоставка да картофелепоставка план. Картофелепоставка план тыртисэ 100 процент вылэ етэ колхозисэ бидэс колхозниккэс.

Совершенно не сидз керэны мэдик колхозз'езын. Например, Кувинскэй сельсоветисэ Краснэй орёл нима колхоз, августовскэй план сьэрти, государстволэ няньсэ должен вэли сетны 9,6 центнер. Талуння лунэдз етэ колхоз государстволэ езна сет этик килограмм. Колхозисэ председатель Савельев явнэя саботируйтэ няньпоставка мынтэм.

Няньпоставкаэн совершенно оз занимайтчы Полвинскэй сельсовет. Етэ сельсовет пасьта 7 колхоз сидз-жэ государстволэ ез

на сетэ ешэ этик килограмман. Саботируйтны няньпоставка В-Ножевскэй, Гурятскэй, Болскэй, Карпинскэй, Михеевскэй да Окунятскэй колхозз'ез.

Ена колхозз'езисэ колхозниккэсэ долженсэ потребуйтны колхозисэ правленнёсаян кутчыны тыртны государство одзын первэй заповедь—срок кежэ тыртны государственнэй поставкаез.

Колэ босьны пример Сервинскэй сельсоветисэ Первэй май нима колхозисэ колхозниккэсаян.

ШИМОВ

## Соблюдайтны колхозниккэзлисэ интерес'ез

Сельх зартельлэн ставинскэй устав требуйтэ заботливэя относитчыны колхознэй добро дьнэ, колхознэй продукция дьнэ. Партия да правительство осудитисэ с'етшэм практикасэ, кэр мукэд колхозз'езын разнэй методд'езэн растрянжиривайтчыс колхознэй продукция, а ешед сия колхозниккэзлэ уджлуун'ез понда.

Кудымкарскэй районисэ Самковскэй сельсоветисэ Воишилов нима колхозын, август 16—17 лунн'езэ вэли кэдзэм эзим 10 гектар вылэ. Етэ эзимсэ езэ пивьялэ аг-

густ 30 лунэдз. Кэр сюыс петалис токо с'еж бригадир заставитисэ пивьяны. Уна эзим кэдзисэ с'етшэм пар вылэ, кэда вэли гэрэм токо этпырисэ. Сия-жэ парыс, кэда вэли гэрэм кыкись кольччис кэдзтэг.

Уборка коста, особенно шороммез т'ечикэ урожайсэ кыскалисэ бидса центнерезэн. Ыббес вылисэ сю уна травитисэ. Вэвдэм колхознэй лён, а сы вылэс ветлэтэ пода, бидэс лёнсэ дзугэмась. Вэли кольэм клевер семенниккэс вылэ и етэ клеверсэ бидэс травитисэ, сидз-жэ травитэм

не этик промёжок турун.

Колхозниккэзлэн уна эшэны уджлуна'ез. Бригадир уджалэм сьэрти уджлуун'ез ез бидэс гыж колхозниккэзлэ Козыревлэ А. К., Трапезниковлэ С. А., Трпезниковлэ В. З. да мэдиккэзлэ.

Етэ колхозын не бидэс благополучно. Вредительскэй элемент'ез старайтчыны керны колхозниккэс коласын недовольство.

Районнэй организацияез обячачэс проверитчыны етэ колхозисэ руководителлэзлисэ уджсэ, да укрепитны колхозсэ.

Колхозниккэс

## Вопрос Кудымкарскэй райзолэ

Кудымкарскэй райзолэ эвэдз эз перестроит ассис удж плавиорованнёс. Мукэд планн'ез сельсовет'ез коласын да колхозз'ез коласын распределяйтчыны механичесэя.

Левинскэй селсоветисэ Гавриловскэй колхозын колхозниккэзслэн хозяй-

ствоезисэ 57. Етэ колхозисэ колхозниккэзлэ вэли сетэм заданнё садитны картофель 6,2 гектар вылэ. Или бид хозяйстволэ усэ 10 соток гектарэн. Сыкэт жэ рядэн Живовскэй колхозисэ 49 колхозниклэ сетэм садитны картофель 3,6 гектар вылэ или 7 соток гектарэн бид

колхозниклэ.

Гавриловскэй колхозисэ колхозниккэзлэ вэли заданнё садитны картофель 8—13 сотокэн, а Живовскэй колхозисэ колхозниккэзлэ 5—7 сотокэн.

Невежэртана, кытчэдз Кудымкарскэй райзолэ пондас сидз планируйтны? А.К.



### Рубеж сайын

## Испания фронтт'ез вылын

### Восточнэй фронт вылын

Одз асывсаы итальянскэй артиллерия осытис би 356 высота куза (Кортесьян север-востоклань). Сы сьэрэ мятежниккэзлэ пехота, кэдия поддеживайтча многочисленнэй танккэзэн, атакуйтис ета высотайс республиканецезлэ позицияез. Кынымкэ час ожесточеннэй бой бэрти мятежниккэзлэ удайтчис сиз босыны. Однако, республиканецез неприятелиэс ручнэй гранатаезэн чапкалэм бэрын, выбитисэ фашистт'езлэ токо неважын ныэн босытэм высотасэ.

Валле де Вилаберг секторын республиканецез, босытисэ инициативасэ асланы кэз, фашистт'езлэс мырддисэ этик ны коласис располженнэй высота да вешисэ мэдик высота дына, кытэн и мунэны ожесточеннэй сраженнэез.

Этик фашистскэй само-

лет „Ромзо“ вэли журдэм зенитнэй республиканскэй батареязи да усис республиканскэй территория выла. Леванта фронт вылын аль Торо секторын республиканскэй войскаез быдсэн отразитисэ фашистт'езлэс кык атака республиканскэй позицияез выла. Мэдик фронтт'ез вылын положеннэй вэли перемена-тэг.

\*\*\*

Ойнас сентябрь 10 лунэ кынымкэ фашистскэй гидрорланн'ез бомбардируйтисэ каталонскэй побережьеис населеннэй пунктт'ез. Етакэт этлаын подвергнитчис бомбардировказ местечко Кальдетас (Барселонасян север-восточнэй-жык), кытэн фашистскэй самолетт'ез чапкисэ кынымкэ бомба детекэй колония дына. Етна бомбардировкаез бэрын уна лосэ жертваез граждаскэй населеннэй коласын.

## Краснэй Армия оланись

Письмо Белорусскэй военнэй округись тактическэй ученнэез вывсаынь

## Привал вылын

Вэнь пожумяиннын. Кузь да басэж пожуммез стройнэй ножалэмась серэй небоэ. Пахнитэ смолаэн да вэрсэ воздухэн. Ета вэнь-ын пожумяиннын расположитчис подразделеннэй Гаврюшинлэн. Токо эни кончитчис очереднэй маршлэн этап, быдэс боецез да командиррез занятэс, проверяйтэны ассинис вэввезсэ да снаряженнэсэ. Проверка мунэ самэй тщательнэй: этик подразделеннэй оз желайт сетны ассис первенство.

— Ёрт начальник, менам быдэс порядокын, — докладывайтэны эта-мэд бэрсянь командиррез асланыс отделеннэез состояннэй йылись.

Ез йешты ешэ часть расположитчыны местаз, кызд политруклэн помощник ёрт Тимохин да отделеннэсэ командир Петров сувтэтисэ палатка, — т'ечисэ книгаез да газетаез. Пондис орены патефон, кытча палата гэгэр экиссиджыт группа боецезлэн да командиррезлэн.

Вдруг, кылис сигнал, кэдия оповестувйтэ обедайтан кад. Боецез организованнэй, с'етэн-жэ зеленэй сук турун вылын, кустоккэз-увтын, расположитчисэ сейны.

— Бур талуння обед, — байтэ красноармеец соседлэ.

— Бур то ситз, но менам кэдытэв-ни. А т'е бы унажык йэктин дак т'енат бы совсем супыт сайкалис. Быдэс горэн серэмтчисэ. Говкыс паськалис вэр пасьта.

Чулэлэ час... Мэдик... — ета кадэ боецез йешитисэ бура шоччисыны.

Бодрайсэ да патэсэ сулалэны вэввез. Шоччисэм бэрын пондисэ орены

под'ем. Вились саймис привал. Паськалисэ гармошкалэн мехкэз, дрэжитны пондисэ вековэй пожуммез. Ветлисэ сьэрсэ-бэрсээн йэктиссез кругэн, „русскай пляска“ вежсис „сирбиянкаэн“. Бура да заманчивэ йэктэ боец Байдаков, четкэй дробитэ коккэзэн Петраков, кэдийэ пытайтча хитритны Киселев.

Кынымкэ шаг сайын экиссис боецезлэн мэдик группа. Веселье, шуткаез, паськалэны здоровэй смехэ.

Кинкэ пондэтис песня, сийэ подхватывайтэны мэдиккэз и мощнэй сыланкы в горалэ сосновэй бэрын:

Если ашын война,  
Если ашын поход  
Мийэ талун походе  
готовэсь!

Незаметнэй шондэ аслас серебрястэй луччезэн дзесиссоседнэй вэр опутка сайэ. Вэрын лосис пемыт. Часто гэрэвтыштэс вэв да вились пондэтчэ вэнь пожумяинны. Но лун ешэ ез кончитчы етэн. Быд боецез лэсэятчэны организованнэй мунны видэятны звуковэй кино картина. А ашын вились пондэтчам мунны туй кузя. Одзлэнь сулалэ сетны наркомлэ серьезнэй экзамэн — мыччавны сылэ ассиным готевность да уменнэй кыны оружиеэн лкбэй минутаэ первэй зов сигнал сьэрти мунны пессьыны врагкэт.

Ленинско-сталинскэй комсомоллэн воспитачнэй боецез, кэдня быдтамэсэ великэй садовод ёрт Сталинэн, родива понда пессьэмын был минутаэ готовэс сетны быдэс, а кызд колас дак и ассинис оланэс.

Радостнэй пантасьэм. Миян военнэй часттэз мунэны населеннэй пунктт'езэт, кы-

тэн орденоноснэй Белоруссиясь населеннэй ыджыт радостын панталэ Краснэй Армиялисэ боецезэс.

Поселоккэз мэдэтэмась гэр д фла г г э з э н, лозунггезэн, э ш л э м э с ь вожддезлэн портретт'ез. Уджалиссез особэй любовэн видэятны боецезлэсь рядд'ез, интересуйтэны резвэй, бур упитаннэй вэввезэн, восхицайтэны техника наличисэн. Пантасьэм местечка П-ын превратитчис демонстрацияэ. Колхознэй крестьянство ыджыт любовь отражайтэны Краснэй армиялэ. Колхозниккэз, туйлэс выла, кыт мийэ пондам мунны сувтэтэмась пызанн'ез, кытча т'ечэмась букетт'ез, быдкодэ угощеннэез. Этлаын коммунистическэй партия честьэ лозунггекэт уджалиссезлэн звучитэ дружвэй „ура“, кэдийэ подхватывайтисэ дружвэй боецезлэн голосс'ез. Ег йештэ мунны кык населеннэй пункт, кызд всадниккэзлэн колоннаез тырисэ да вевтисисэ цветт'езэн. Быдэнныслэн радостнэй сералана лицоз да быд боецлэн, командирлэн да политработниккэзлэн ешэ ыджытжыка быдмэ чувство СССР-ыс гражданын дына да сь лэмсэнь отвечайтэны партиялэ, родинамэ — миян ем кинлэ защищайтны, миян ем мыйн захищайтны, миян ем мый захищайтны.

Краснэй армия и трудящэйлэс социализм странаись единэй порывын демонстрируйтэны ассинис военнэй силасэ да морально-политическэй единствоэс, кэдня способнясэ уничтожитчы любэй врагэс, кэдрэсьны бы сизэс мащчись.

Красноармеец И. Гагарин

## Военнэй действияез Китайын

### Центральнэй фронт вылын

Лунланься Янцзы ю берегын Жуичансян север-западнэйжыка прбоджайтчыны упорнэй бойлэс. Японецезлэн быдэс атакаез отбивайтчыны ны понда ыджыт потерязэн.

Сентябрь 9 лунэ японецез дымовэй завесэн сайэвтам увтын кынымис-кэ предпринимайтисэ атакаез Махулин секторын китайскэй позицияез выла. Быдэс атакаез отбитэйсэ.

Ойланэс Янцзы ю берегын Сойлэс продолжайтчыны Гуанцзи районын. Мед-

бэря даннэйсэ сьэрти, японецез этисэ ыджыт вын и вились режисэ наступленнэсэ.

Ойланьны юго-западнэй частын Шавьси провинцияын японецез отступайтэны Юйсян направленнэй кузя.

### Лунланьны

Сентябрь 9 лунэ 20 японскэй бомбардировщик керисэ налет Кантон выла. Кынымкэ бомба чапкисэ военнэй госпиталь дына. Мирнэй и селеннэй коласын емась вийэмась да ранитэмась.

## “Запаснэй дымоход”



Рисунок В. Ипатовалэн („Прессклише“)

## Ёрт Литвиновлэн Женеваын вэлэм

Сентябрь 10 лунэ ёрт Литвинов Женеваын примитис иностраннэй дело сьэрти румынскэй Петреску—Комнена министрэс. Сентябрь 11 лунэ ёрт Литвинов примитис иностраннэй дело сьэрти Ис-

паниясь дель Вайз министрэс.

Сентябрь 12 лунэ асывнас чожа Женеваэ локтэм бэрын, Литвинов примитис иностраннэй дело сьэрти Французскэй Боннэ министрэс да чулэти ськэт продолжительнэй беседа.

## Исправитны недостаток кез ресторанын

Не этпырись гижлисэ газетаэ Кудымкарскэй ресторан йылисэ, но положеннэй оз вежшы.

Город миян не учэт, а ресторан токо этик. Локтанкэ ресторанаэ, то колэ заказ видзчисыны 1—2 час. Афицианткаез вэрэтчэны эддээн жагэна, унажыкэс развлекайтчэны смехэн да басыннезэн, а клиентт'ез видзчисыны. А м у к э д пыресэ клиент видзчисэс, видзчисэс да сиз и сейтэг мунас. А унажыкэс задерживайтэ клиентт'езсэ кассирша, оз вермы перытжыка лыддыны счэтысэ вылын. Колэ отметитны, што афицианткаез грубая относитчэны клиентт'езкэт. Етэ ресторанисэ заведущэй ёрт Софронов адзэ, но оз принимают некытшэм мераез.

Колэ эни-жэ ресторанын сувтэты образцовэй порядок.

Посетитель

Лэсьэтэм. „Ленин туй вылэт“ газетаны сентябрь 11 лунэ №182 первэй полосаын заголовокын гижэм: „Кызд мунис уборка Трубяновскэй колхозын“. Колэ лыддыны: „Кызд мунис уборка Бурковскэй колхозын“. Етасянь и текстын колэ лыддыны: „Юсьвинскэй районисэ Бурковскэй колхозын“.

Ошибка керэм редакция вина сьэрти.

Врид. ответ. ред. Е. Ф. МЕХОНОШИН

21—24

Сентября

Кинотеатр

„Пролетарий“

21—24

сентября

Будет демонстрироваться новый звуковой художественный фильм

**ДЕТСТВО ГОРЬКОГО**

Нач. сеансов в 7—9 часов вечера

22—23 и 24 ДЕТСКИЕ сеансы.

Нач. 5 ч.

АНОНС: Глубокий рейд.

Потерялись три лошади 136 см., на левый глаз кривая.

1. Мерин — рыжий, рост 142 см. 2. Мерин — серый, правое ухо коромыслом, рост 148 см. 3. К была — саврасая на правой задней холке тавро „ЯХ“, рост

Увидавшим сообщить Нижне Сосковский колхоз, Юсьвинского района, Мелюхинского сельсовета.